

EDICTE

deth Conselh Generau d'Aran, sus era convocatòria de subvencions en airau de cultura e lengua entar an 2020

Eth Conselh de Govèrn deth Conselh Generau d'Aran de data 20 de junhsèga de 2020 a aprovat era convocatòria entara concessions de subvencions en airau de cultura e lengua entar an 2020. Es determinacions basiques dera convocatòria son es següentes:

Normativa reguladora

Bases específiques d'autrejament de subvencions en airau de cultura e lengua entar an 2020

Crèdit pressupostari

Era despensa d'aguesta convocatòria anarà a cargue dera partida 01.334.489.00 deth pressupòst deth Conselh Generau d'Aran

Objècte, condicions e finalitat

Era concessions d'ajudes e subvencions econòmiques qu'autrege eth Conselh Generau d'Aran en airau dera difusió e dinamizacions culturau ena Val d'Aran.

Er àmbit temporau d'execucion des activitats a realizar comprenerà eth tèrme comprenut entre er 1 de gèr de 2020 e eth 31 de deseme de 2020.

Règim d'autrejament

Concurréncia competitiva

Requisits des beneficiaris entà sollicitar era subvencion

Es que mèrquen es apartats 5 e 6 des bases específiques

Organs competents entara instruccions e resolucion deth procediment

Era instrucción se realizarà per part deth Departament de Cultura, Patrimòni e Politica Lingüistica deth Conselh Generau d'Aran, e serà eth Conselh de Govèrn deth Conselh Generau d'Aran qui resolverà era convocatòria mejançant resolucion motivada.

Tèrme de presentacion de sollicituds

Enquiath 30 de seteme de 2020

Tèrme de resolucion e notificacion

Tres (3) mesi des dera finalizacion deth tèrme de presentacion de sollicituds

Documentacion e informacion qu'aurà d'inclodir era peticion

Se determinen en article 7au des bases específiques

Critèris d'avaloracion des sollicituds

Se determinen en article 9au des bases específiques

Regim de recorsi.

Er acòrd de resolucion dera convocatòria met fin ara via administrativa

Mieis de publicitat

BOP de Lleida e ena sedençia electronica deth Conselh Generau d'Aran
(<https://tauler.seu.cat/inici.do?idens=8103980001>)

Publicitat des bases

Es bases específiques entara convocatòria de subvencions en airau de cultura entar an 2020 publicades damb aguesta convocatòria se sotmeten a informacion publica per tèrme de vint (20) dies, a compdar de londeman ara publicacion d'aguest anunci en BOP e en taulèr d'anoncis dera corporacion, ar efecte qu'es personnes interessades poguen examinar-lo e presentar possibles reclamacions e/o allegacions. Se passat aguest tèrme non s'an presentat reclamacions ne allegacions en contra, aguestes bases s'enteneràn definitivament aprovades sense besonh d'ulterior acòrd

BASES ESPECIFIQUES ENTARA CONCESSION DE SUBVENCIONS EN AIRAU DE CULTURA E LENGUA ENTAR AN 2020

Article 1. Objècte

Er objècte d'aguestes bases ei regular era concession d'ajudes e subvencions economiques qu'autrege eth Conselh Generau d'Aran en airau dera difusion e dinamizacion culturau ena Val d'Aran.

Article 2. Procediment

Eth procedement de concession d'aguestes subvencions se tramite en regim de concurréncia competitiva, mejançant era aprobacion e publicacion dera convocatòria corresponenta e cossent damb es principis de publicitat, transparéncia, concurréncia, objectivitat, igualtat, non discriminacion, eficàcia e eficiéncia. Era gestion des expedients d'autrejament d'aguestes subvencions correspon ath Departament de Cultura, Patrimòni e Politica Lingüistica deth Generau d'Aran e, era sua resolucion, ara aprobacion der expedient per part dera Comission de Subvencions deth Conselh Generau en session deth Conselh de Govèrn, prealable informe deth Departament de Cultura, Patrimòni e Politica Lingüistica.

Article 3. Activitats subvencionables

- a. Activitats de dinamizacion e difusion culturau.
- b. Activitats de foment der aranés.
- c. Activitats de conservacion deth patrimòni culturau que pes sues caracteristiques non entren laguens des requisits mercadi en Protocòl deth Conselh Generau d'Aran entà intervencions en patrimòni culturau.

Se consideraran despenes subvencionables aqueres que de forma indubitada responduen ara naturalesa dera activitat subvencionada e resulten estrictament de besonh. Laguens d'aguestes despenes s'includissen es despenes financeres, es despenes d'assessoria juridica o financera e es despenes d'administracion especifics, tostemp e quan estonguen directament relacionats damb era activitat subvencionada e siguen indispensables entara adequada preparacion o execucion d'aguesta. Non s'acceptaran coma despenes subvencionables es despenes protocollàries o representatives.

Article 4. Impòrt des subvencions

Era quantia dera concession serà era resultanta dera valoracion e ponderacion des peticions, era distribucion dera consignacion pressupostària dera partida corresponenta entre eth nombre de sollicituds presentades e en foncion deth pressupòst elegible, en tot auer en compde que non pòden superar es 5.000,00 €.

Se poderàn autrejar subvencions enquiath 75% deth còst dera activitat. Non se subvencionaran mès de dues peticions per entitat laguens d'aguesta linha de subvencions. Aguesta linha de subvencions ei compatibla damb d'autes subvencions, ajuts, ingrèssi o recorsi entara madeisha finalitat, tostemp e quan er impòrt de totes ères non supère eth còst dera activitat subvencionada.

Aguesta linha de subvencions ei incompatibla damb d'autes subvencions, ajuts, ingrèssi o recorsi entara madeisha finalitat autrejats peth Consell Generau d'Aran o organismes qu'en depenen.

Article 5. Beneficiaris

Poderàn accedir ad aguestes subvencions aqueres associacions, fondacions, personnes juridiques e d'autes entitats culturals que participen o amien a tèrme quinsevolh des activitats objècte d'estèr subvencionades damb domicili en Aran e excepcionaument, es entitats publiques o privades qu'a despiet d'estèr domiciliades dehòra d'Aran, realisen activitats esporadiques en Aran entara difusion e dinamizacion culturau ena Val d'Aran. Entà toti es casi previsti en aguest article, serà requisit indispensable entà poder èster beneficiaris de subvencions qu'es sollicitants non agen ànim de lucre.

Article 6. Requisits e obligacions des beneficiaris

- a) Complir er objectiu, executar eth projècte, realizar era activitat o adoptar eth comportament que fonamente era concession dera subvencion.
- b) Justificar dauant deth Consell Generau d'Aran eth compliment des requisits e es condicions, e tanben era realization dera activitat e eth compliment dera finalitat que determinen era concession o eth gaudi dera subvencion.
- c) Sotmeter-se as actuacions de comprobacion que s'establisquen per part deth Consell Generau d'Aran, atau coma quinsevolha auta comprobacion e contròtle financèr que poguen amiar a tèrme es organs de contròtle competents, tant nacionaus coma comunautaris, e aportar tota era informacion que les sigue requerida en exercici des actuacions anteriores.
- d) Comunicar ath Consell Generau d'Aran, en quinsevolh moment e en tot cas abans dera justificacion dera aplicacion des hons, era obtencion d'autes subvencions, ajuts o ingrèssi que financien es activitats subvencionables.
- e) Acreditar, en moment de presentar era sollicitud, qu'ei ath corrent deth compliment des sues obligacions tributàries, ath dauant dera Seguretat Sociau e deth Consell Generau d'Aran, mejançant era presentacion des certificats corresponents de data non superior as 6 mèsi dera data de sollicitud, o ben autorizant ath Consell Generau d'Aran de manera expressa entà obtier de manera dirècta era acreditacion d'aguesta circumstància mejançant es oportuns certificats telematics.
- f) Dispausar des libres compdables, registres diligenciats e d'auti documents degudament auditats cosent damb era legislacion mercantila e sectorial aplicable ath beneficiari en cada cas, atau coma toti es estats compdables e registres específics que le siguen exigibles.
- g) Conservar es documents justificatius dera aplicacion des hons recebuts, includidi es documents electronics, tostemp e quan puguen èster objècte des actuacions de comprobacion e contròtle.
- h) Adoptar es mesures de difusion entà dar era adequada publicitat deth caractèr public deth finançament de programes, activitats o actuacions que siguen objècte de subvencion, enes tèrmes estabolidi en aguestes bases.
- i) Dar compliment ara Lei 19/2014, de 29 de deseme, de transparéncia, accés ara informacion publica e bon govèrn enes tèrmes en que le sigue aplicable

Article 7. Sollicituds

Era documentacion a presentar serà era següenta.

- a) Sollicitud de subvencion degudament ramplida disponible en www.conselharan.org, que se pòt presentar en Registre Generau, atau coma per quinsevolh d'auta des mieis que previe er article 16.4 de la Lei 39/2015, d'1 d'octubre, deth procediment administratiu comun des administracions publiques segontes modèu normalizat en qu'aurà de constar:
 1. Declaracion de que non existís cap causa de proïbicion entà percéber era subvencion.

2. Declaracion qu'accepte es presentes normes, era subvencion que se li pogue autrejar atau coma es condicions que se'n deriven, en cas que li sigue concedida.
 3. Declaracion responsabla sus eth compliment des obligacions tributàries e damb era Seguretat Sociau.
 4. Era autorizacion ath Consell Generau d'Aran entà poder sollicitar, per mieis telematics, es certificacions d'ester ath corrent deth compliment des obligacions tributàries, dera Seguretat Sociau e deth Consell Generau d'Aran.
- b) Brèu memòria dera activitat que se preten sigue subvencionada peth Consell Generau d'Aran.
- c) Còpia dera targeta d'identificacion fiscau dera entitat sollicitanta.
- d) Còpia deth document d'identificacion dera persona sollicitanta.
- e) Còpia des estatuts vigents e deth document acreditatiu dera inscripcion en Registre d'Entitats deth Departament de Justicia dera Generalitat de Catalunya o d'auti Registres que corresponguen.
- f) Document de transferéncia bancària entath pagament dera subvencion segontes model deth Consell Generau d'Aran.
- g) En cas qu'era documentacion presentada sigue incorrècta o incompleta, se sollicitarà qu'esmene o complete pendent un tèrme de dètz (10) dies en tot avisar que s'incomplís eth tèrme establít, er expedient s'archivarà sense cap tramit posterior.
- h) Es entitats que s'agen presentat anteriorament ara convocatòria d'aguesta linha d'ajuts restaràn exempts de presentar era documentacion des apartats c), d) e f) tostemp e quan còsten ena documentacion presentada e es donades non agen variat.

Article 8. Tèrme

Es sollicituds de subvencion se poderàn presentar laguens des tèrmes que s'establisquen en acòrd de convocatòria d'aguestes subvencions.

Article 9. Critèris d'avaloracion des sollicituds

- a) Importància o interès dera activitat a realizar. 10 punts
- b) Trajectòria e continuïtat en àmbit dera cultura dera entitat sollicitanta. 8 punts
- c) Equilibri territoriau laguens d'Aran des activitats a realizar. 5 punts
- d) Activitat que fomente era realization de naues vessants dera cultura en Aran. 5 punts

Article 10. Comission qualificadora

Entara avaloracion des peticions presentades s'establis ua Comission qualificadora cosent damb era basa 13 des bases generaus d'autrejament de subvencions deth Consell Generau d'Aran que serà integrada per:

- 2 representants der airau de Cultura, Patrimòni e Politica Lingüistica
- 1 representant dera Secretaria generau deth Consell Generau d'Aran

Article 11. Tèrme d'execucion e justificacion des actuacions

Es actuacions entàs quaus s'age obtiengut era subvencion s'auràn d'executar laguens der an naturau dera aprobacion dera convocatòria.

Eth tèrme maxim de justificacion des actuacions realizades serà enquiath 30 de noveme de 2020, exceptat d'aquèrs actuacions realizades entre er 01/12/2020 e eth 31/12/2020 que s'auràn de justificar abans dera fin deth mes de gèr de 2021. En cas que non se pogue justificar laguens d'aguest tèrme, eth benefici poderà demanar proròga de tres (3) mesi e s'autrejarà o desestimarà, prealbla avaloracion dera peticion mejançant resolucion motivada.

Article 12. Tramitacion e concession des subvencions

Era instruccioñ des sollicituds presentades correspon ath Departament de Cultura, Patrimòni e Politica Lingüistica.

Un còp avalorades es sollicituds per comission qualificadora damb indicacion dera quantia que se prepausa, aguestes sollicituds seràn informades pera Intervencion deth Consell Generau d'Aran sus era existéncia de crèdit disponible, adequat e sufisent.

Finalizada era instrucion, eth Consell de Govèrn deth Consell Generau d'Aran resolverà era convocatorià mejançant resolucion motivada.

Article 13. Reformulacion des sollicituds

Abans de formular era prepausa der acòrd d'autrejament e tostemp qu'era subvencion que se preveigue autrejar sigue inferiora ara demanada, era entitat sollicitanta, per iniciativa pròpria o a demana deth Departament de Cultura, Patrimòni e Politica Lingüistica poderà demanar era reformulacion dera sollicitud.

Era reformulacion aurà coma objectiu ajustar es compromisi e es condicions dera subvencion, damb especiau referéncia ath pressupòst dera actuacion que se prevé realizar.

Article 14. Tèrme maxim de resolucion

Eth tèrme maxim entà resòlver e notificar era resolucion deth procediment de concession de subvencions ei de tres (3) mesi, a despiet qu'ua norma de rang legau establisque un tèrme superior o que sigue previst ena normativa dera Union Europèa. Aguest tèrme se compute a compdar dera finalizacion deth tèrme de presentacion de sollicituds.

Era manca de resolucion en aguest tèrme maxim a efèctes desestimatòris des sollicituds, mès non eximís ath Consell Generau d'Aran de resòlver expressament aguest procediment.

Article 15. Publicacions des acòrds de concession des subvencions

Cosent damb çò que dispuse era basa 20 dera ordenança generau d'autrejament de subvencions deth Consell Generau d'Aran, es subvencions autrejades se publicaràn en BOP de Lleida.

Article 16. Liurament des subvencions

Ei impòrt des subvencions se liurarà as entitats beneficiàries prealbla justificacion dera despensa e damb informe favorable per part deth Departament de Cultura, Patrimòni e Politica Lingüistica sus era realizacion dera activitat subvencionada, e damb informe dera Intervencion deth Consell Generau d'Aran sus era justificacion presentada.

Article 17. Justificacion dera execucion dera actuacion. Impòrt a justificar

Ei impòrt dera despensa subvencionable que s'a de justificar serà eth que se determine coma pressupòst dera actuacion en acòrd d'autrejament.

S'executada era actuacion, ei impòrt des despenes subvencionables ei inferior ath que se determinèc en acòrd d'autrejament, eth beneficiari, en moment de presentacion dera justificacion poderà sollicitar addicionaument era reduccio deth pressupòst dera actuacion e eth mantienement integre dera subvencion mejançant modèl normalizat deth Consell Generau d'Aran.

Prealbla evaluacion deth compliment dera finalitat de subvencion, eth Consell Generau d'Aran redusirà er impòrt deth pressupòst dera actuacion damb eth mantienement integre dera subvencion o en cas contrari liurarà ath beneficiari era subvencion damb era reduccio que resulte d'aplicar eth percentatge deth pressupòst dera actuacion ar impòrt dera subvencion autrejada.

Article 18. Justificacion dera actuacion. Documentacion

Ei documents que calerà presentar coma justificacion seran es factures e d'auti documents de valor probatori equivalent (originals o còpies compulsades) qu'auran d'anar a nòm deth beneficiari dera subvencion, er IVA des justificants quedrà excludit dera subvencion s'eth beneficiari non ei un consumidor finau e se le pòt deduir. Non s'acceptaran, damb caractèr generau, coma documents justificatius es factures simplificades ne es tiquets de caisha.

Es documents acreditatius dera execucion auràn d'auer ua data d'expedicion que se correspongue damb er an naturau d'aprobacion dera convocatòria.

Aquesta documentacion anarà acompanhada d'ua declaracion responsabla deth beneficiari, segontes modèu facilitat peth Consell Generau d'Aran, en relacion as aspèctes d'execucion, còst totau e finançament dera actuacion (damb indicacion des recorsi pròprios e diferentes ajudes obtingudes), presentacion de justificant en d'auti ajuts d'administracions publiques e compliment des compromisi de publicitat.

Cosent damb er article 31 dera Lei 38/2003, de 17 de noveme, Generau de Subvencions, se considerarà despensa realizada encara qu'aguestà non age estat efectivament pagada en moment dera justificacion.

Article 19. Publicitat des actuacions

Enes accions de difusion des activitats subvencionades, eth beneficiari aurà de hèr a constar eth supòrt/collaboracion deth Consell Generau d'Aran.

Article 20. Invalidesa, modificacion e reintegrament des subvencions

Per çò que tanh ad aguesti aspèctes, s'estarà a çò que dispause eth capítol V des Bases generaus d'autrejament de subvencions deth Consell Generau d'Aran

Article 21. Normativa supletòria

En tot çò non previst en aguestes bases especificues seràn d'aplicacion es Bases Generaus d'autrejament de subvencions deth Consell Generau d'Aran, era Lei 38/2003, de 17 de noveme, Generau de Subvencions, e eth Reiau Decret 887/2006, de 21 de junhsèga, peth quau s'apròve eth Reglament dera Lei Generau de Subvencions.

Article 22. Transparéncia e bon govèrn

Er article 55.2 dera Lei deth Parlament de Catalunya 19/2014, de 29 de deseme, de transparéncia, accés ara informacion e bon govèrn, dispause qu'es administracions e es organismes comprenudi en ambit d'aplicacion d'aguestà lei an d'inclodir, enes plecs de clausules contractuaus e enes bases de convocatòria de subvencions o ajuts, es principis etics e es regles de conducta as quaus an d'adequar era activitat es contractistes e es personnes beneficiàries, e an de determinar es efèctes d'un eventual incompliment d'aguesti principis. As efèctes de dar compliment ara nomenada obligacion legau, s'incorpòre era clausula annèxa.

PRINCIPIS ETICS E REGLES DE CONDUCTA AS QUAUS ES BENEFICIARIS DE SUBVENCIONS DETH CONSELH GENERAU D'ARAN AN D'ADEQUAR ERA SUA ACTIVITAT

1. Es beneficiaris de subvencions deth Consell Generau d'Aran adoptaràn ua conducta eticament exemplara e actuaran entà evitar era corrupcion en quinsevolha de totes es sues possibles formes.

2. En aguest sentit –e ath marge d'aqueri auti deures vinculadi ath principi d'actuacion nomenat en punt anterior, derivats des principis etics e des regles de conducta as quaus es licitadors e es contractistes an d'adequar era sua activitat- assumissen particularament es obligacions següentes:

- a. Comunicar immediatament ar òrgan de contractacion es possibles situacions de conflicte d'interèssi
- b. Non sollicitar, directament o indirectament, qu'un cargue o empleat public influisque en autrejament des subvencions
- c. Non aufrir ne facilitar a cargues o empleats publics avantatges personaus o materiaus, ne per eri madeishi ne entà personnes vinculades damb eth son entorn familiar o sociau
- d. Non realizar quinsevolha auta accion que pogue vulnerar es principis d'igualtat d'oportunitats e de liure concorrència

- e. Non realizar accions que meten en risc er interès public
 - f. Respectar es principis de liure mercat e de concurréncia competitiva, e abstier-se de realizar conductes qu'agen per objècte o poguen produsir er efècte d'impedir, restringir o falsejar era competéncia, coma per exemple es comportaments collusòris o de competéncia fraudulenta (aufertes de resguard, eliminacion d'aufertes, assignacion de mercats, rotacion d'aufertes, etc.). Atau madeish, denunciar quinsevolh acte o conducta dirigits a aquères finalitats e relacionats damb era licitacion o eth contracte des quas n'auèsser coneishement
 - g. Non utilizar informacion confidencial, coneishuda mejançant era subvencion, entà obtier, directament o indirectament, un auvantatge o benefici economic en interès pròpri
 - h. Observar es principis, es normes e es canons etics pròprios des activitats, es oficis e/o es professions corresponentes as subvencions autrejades
 - i. Collaborar damb era Corporacion enes actuacions que aguest realize entath seguiment e/o avaloracion deth compliment dera subvencion, particularament facilitant era informacion que le sigue sollicitada entà aguestes finalitats
 - j. Denonciar es actes des quaus n'agen coneishement e que poguen comportar ua infraccion des obligacions contiengudes en aguesta clausula
3. Er incompliment de quinsevolha des obligacions contiengudes en anterior apartat 2 per part des beneficiaris de subvencions deth Consell Generau d'Aran, serà causa de revocacion dera subvencion, sense perjudici d'aqueres autes possibles conseqüéncias previstes ena legislacion vigenta.

Vielha, signat electronicament

Francés X. Boya Alós
Sindic d'Aran